


Safet Suljić

**KO SU
EHLU SUNNE VE-L-DŽEMAT
I KO JE TO
POTPOMOGNUTA SKUPINA?**



Riyadh 2012

من هم

أهل السنة والجماعة

و من هي الطائفة المنصورة ؟

KO SU EHLU SUNNE
VE-L-DŽEMAT
I KO JE TO POTPOMOĞNUTA
SKUPINA

Priprema i obrada:
Safet Suljić
Fakultet Šerijatskih Nauka
ISLAMSKI UNIVERZITET U RIYADU

U ime Allaha, Milostivog Samilosnog!

Hvala Allahu, azze ve dželle, koji je učinio da u Ummet uvijek bude skupina ljudi koja je na istini i kojoj neće naškoditi oni koji im se suprotstave.

Neka je salavat i selam na Allahova Poslanika, sallallahu alejhi ve sellem, koji je kazao: "U mom Ummetu stalno će biti jedna grupa koja će postupati po Allahovim odredbama, neće im naškoditi onaj ko ih napusti, niti onaj ko se s njima ne slaže. Ostat će takvi sve dok ne dođe Allahova odredba."

Neka je salavat i selam na Vjerovjesnikovu časnu porodicu, ashabe i sve sljedbenike do Sudnjega dana.

KO SU EHLU SUNNE VE-L- DŽEMAT?

1. Sunnet

Jezički, znači način, put bilo da je pozitivan ili negativan. Sunnet u ovom slučaju ima jako velik spektar značenja, a Šeri'at to sužava na praksu Allahovog Poslanika, sallallahu alejhi ve sellem, Sunnet u šeri'atskim definicijama je u zavisnosti od oblasti kojom se bavi:

a) Kod učenjaka hadisa Sunnet je sve što je pripisano Allahovom Poslaniku, sallallahu alejhi ve sellem, od riječi, djela, potvrda ili svojstava.

b) Kod učenjaka fikha to je ono što je preneseno od Allahovog Poslanika, sallallahu alejhi ve sellem, a što nije fard.

c) Kod učenjaka usuli fikha Sunnet je izvor pored Kur'ana.

d) Kod učenjaka akide (to je ono što se nas tiče), to je uputa na kojoj su bili Allahov Poslanik, sallallahu alejhi ve sellem, i njegovi ashabi znanjem i djelom, javno i tajno, tj. akida u koju je vjerovao Allahov Poslanik, sallallahu alejhi ve sellem, i ashabi, a iz koje proizilaze propisi, adabi, ahlak i sve ostale stvari.

2. Džemat

Jezički, džemat znači skup, zajednicu suprotno od razbijenost i sl.

U Šeri'atu znači skupina ispravnih prethodnika, ashaba i tabi'ina koji su se okupili na jasnoj istini iz Kurana i Sunneta, i svako ko je došao nakon njih, povodeći se za njima i za njihovim ostavštinama, pripada džematu,

bilo ih puno ili malo, čak jedna osoba može predstavljati džemat.

Kaže Imam Šafija u knjizi "Novotarije": "Kad je došla naredba obaveznosti džemata u Kur'anu i Sunnetu, pod njom se podrazumijevala obaveznost istine i njeno slijedenje", iako je broj sljedbenika istine mali, a sljedbenika zablude veliki. Zato što je istina ono na čemu je bila prva skupina, Allahov Poslanik sallallahu alejhi ve sellem i njegovi ashabi, i ne gleda se na mnoštvo sljedbenika zablude nakon njih.

Kada je Abdullah Ibn Mubarek, rahmetullahi alejhi, upitan za džemat, rekao je: "Ebu Bekr i Omer."

Rečeno mu je: "Oni su umrli." Pa je rekao: "Taj i taj, (i spomenu imena dva velika učenjaka u njegovo vrijeme)."

Kaže Abdullah Ibn Mes'ud, radijallahu anhu: "Džemat je ono što je u skladu sa istinom, pa makar bio sam."

Ima učenjaka, poput Buharije, koji smatraju da je džemat skupina učenjaka fikha i hadisa.

Nema kontradikcije između ova dva stava, jer su učenjaci dokaz protiv ljudi, ako budu iskreno tražili znanje.

Između ostalih značenja džemata je i kad se muslimani slože oko odabira šeri'atskog vođe koji sprovodi šeri'atske kazne, pokreće džihad i sl.

Slijedenje tog džemata u toj situaciji je vadžib, i haram je borba protiv tog vođe i odbijanje pokornosti njemu je razbijanje jedinstva ummeta.

Ehli Sunnet Ve-l-Džemat su sljedbenici onog na čemu su bili Allahov Poslanik, sallallahu alejhi ve sellem, i ashabi, oni koji slijede Sunnet i koji su ustrajni na istini, koji izbjegavaju izmišljene novotarije i rasturanje muslimanskog jedinstva, ima ih na svakom mjestu i u svako vrijeme i tako će biti do Sudnjeg dana.

Kaže Allahov Poslanik, sallallahu alejhi ve sellem: "U mom Ummetu će uvijek biti skupina koja će biti jasno na istini, neće im nauditi ko im se suprostavi, sve dok ne dođe Allahova naredba, a oni na tom." (Hadis sahih, bilježe ashabu sunnen i ostali).

3. Zašto je ovako nazvan?

Nazvani su ovako zato što pripadaju Sunnetu Allahovog Poslanika, sallallahu alejhi ve sellem, i zato što ga poznaju, i što vode računa o njemu, i zato što ga žestoko štite, i zato što su objedinjeni u njegovom prakticiranju i javno i tajno, i zbog njihove brige o zajednici muslimana.

Zbog straha da se ne razbije saff, da ne propadnu žrtve, i zbog brige o džihadu zajedno sa imamima i pokornost istima, dok su ovi pokorni Allahu dželleša'nuhu.

4. Drugi nazivi Ehli Sunneta Ve-l-Džemata:

a) Selefu Es-Salih

To su imami upute iz tri prva stoljeća islama: ashabi, tabi'ini i tabi-tabi'ini koji su spomenuti u riječima Allahovog Poslanika, sallallahu alejhi ve sellem, kada kaže: "Najbolje je ovo moje stoljeće, zatim ono koje ga slijedi." (Hadis bilježi imam Buhari).

Svako ko ih slijedi spada u Selefu Es-salih, bez obzira koliko bio vremenski udaljen od njih.

Dok onaj ko se ne slaže s njima u akidi i shvaćanjima, nije od njih, pa makar živio s njima.

b) Spašena grupa

Spašena je od zla novotarija i zabluda na dunjaluku i vatre na Ahiretu.

To zato što slijede Sunnet Allahovog Poslanika, sallallahu alejhi ve sellem, i rade po islamu u potpunosti.

U poznatom sahih hadisu se kaže: "Jevreji su se podijelili na 71 skupinu, kršćani na 72 skupine, a muslimani će se podijeliti na 73 skupine, i sve će u vatru izuzev jedne.'

Upitan je Allahov Poslanik, sallallahu alejhi ve sellem: "A ko su oni?" - pa je odgovorio: "To su oni na čemu sam danas ja i moji ashabi."

c) Pomognuta skupina

Skupina hadisa govori da ima u sklopu Ehlu Sunneta Ve-l-Džemata posebna grupica ljudi koja izvršava obavezu džihada na Allahovom putu.

Kod te skupine se nalaze povodi za pomoć od Allaha dželleša'nuhu, i konkretni i apstraktni, kao ispravno vjerovanje, zuhd, ahlak, veliko znanje uz snagu i

pripremu oružja, obuku, sakupljanje informacija o neprijatelju itd.

d) Ehlul-Hadis (sljedbenici hadisa)

Ulažu trud u izučavanju hadisa i esera i u prakticiranju istih u njihovom životu te izbjegavaju suprotno od poruka koje se nalaze u njima.

OSOBINE

EHLU SUNNETA VE-L-DŽEMATA

1. Žestina u slijeđenju tekstova i esera, u slijeđenju sefata i izbjegavanje svih novotarija, te upozoravanje ljudi na njih, njene nosioce i sljedbenike.

2. Žestina vođenja brige o poznavanju Sunneta Allahovog Poslanika sallallahu alejhi ve sellem i briga o poznavanju njegovih djela, stanja, osobina i sl.

Iz tog razloga ga najviše vole, povode za njim i njegovim Sunnetom.

3. Ehlu Sunnet su sljedbenici sredine, ne zalaze u bilo koju od krajnosti u svemu; akidi, ahlak, adab, ibadet u sl.

4. Ehlu Sunnet objedinjuje kompletan islam i znanjem i djelom, tajno i javno.

Iz tog razloga se drže čistog, bijelog i jasnog pravca, čija je noć jasna kao dan, i iz kojeg ne skreće izuzev onaj kome propast predstoji.

Uzimaju šeri'atske naredbe i zabrane bezrezervno u rahatluku, kao i u teškoj situaciji, zadovoljstvu i srdžbi i sl.

5. Okupljaju sve šeri'atske dokaze vezane za jednu mes'elu i samim tim jednostavno dolaze do istine, za razliku od raznih sekti, koje na tekstove gledaju zatvorenog oka, pa prihvataju dio a dio odbijaju, što je opasan izvor zablude.

6. Ehlu Sunnet Ve-l-Džemat objedinjuje nauku i ibadet, strah i nadu, oslonac na Allaha dželleša'nuhu i uzimanje za povode, objedinjuje rad na dunjaluku i zuhd prema njegovim nasladama.

U svim ovim stvarima dolazi do pretjerivanja u jednu ili drugu krajnost.

Onda sekte uzimaju jednu ili drugu krajnost istovremeno zabranjujući onu koju nisu uzeli.

7. Nerazmimoilaženje u temeljima vjerovanja. Zbog toga su njihova vjerovanja po pitanjima temelja vjere jednaka, što ih je zaštitilo od međusobnog proglašavanja kafirima, novotarima, velikim grijesnicima za razliku od sljedbenika strasti i novotara koji se unutar jedne sekte tekfire i proglašavaju novotarima.

8. Izbjegavanje nepotrebne rasprave i razmimoilaženja u vjeri.

Izbjegavaju novotare i odriču se pozivača i tvorca novotarija.

Izbjegavaju također čula - kazala, te mnoštvo zapitkivanja kao i raspravu o onome što se čovjeka ne tiče, od vjerskih ili dunjalučkih pitanja provodeći hadis: "Od lijepog islama jednog čovjeka je da ostavi ono što ga se ne tiče."

9. Boje se izdavanja fetvi da ne bi rekli nešto bez znanja na Allaha dželleša'nuhu, što je jedan od najvećih grijeha.

U suštini ovo je jako blisko širku, ili se može kazati da je širk dio govora o Allahu bez znanja.

Ashabi i imami selefa su izbjegavali izdavanja fetvi, jer su se bojali odgovornosti za to.

Od karakteristika Ehli Sunneta Ve-l-Džemata je i žestoko provjeravanje vijesti (habera) prilikom prihvatanja i prenošenja dalje, veliki emanet kod rada sa šeri'atskim tekstovima i riječima učenjaka i njihovim stavovima, kao i riječi onih koji su im se suprotstavili od novotara i sl.

Iskrenost, emanet i pravda moraju postojati i sa prijateljima i sa neprijateljima, kao što kaže Allah dželleša'nuhu: "O vjernici, dužnosti prema Allahu izvršavajte i pravedno svjedočite! Neka vas mržnja koju prema nekim ljudima nosite, nikako ne navede da nepravedni budete!..." (El-Ma'ide, 8. ajet)

Od metoda nevjernika je da dodaju i lažu, izvrću i potpuno mijenjaju riječi, bilo da se radi o riječima našeg Poslanika, ashaba, učenjaka i ovako također postupaju i novotari, za razliku od Ehli Sunneta koji pravedno prenose vijesti.

10. Ne žure u donošenju stavova, kao i proglašavanju određenih ljudi kafirima ili novotarima i optuživanju ljudi na osnovu mišljenja.

11. Vode veliku brigu o stvarima muslimana, jer znaju da onaj ko ne vodi brigu o stvarima muslimana nije od njih. Isto tako objedinjavaju muslimane na dobru.

12. Imaju potpuni el-vela samo na osnovima istine, to znači ljubav, privrženost, pomaganje itd.

Oni nemaju El-Vela ni prema kome osim na osnovima vjere i ne drže se fanatično nijedne grupe, mezheba, džemata i sl., nego se fanatično drže istine i džemata muslimana u njegovom izvornom značenju.

To je džemat koji diže zastave Kur'ana i Sunneta, drži se upute Selefus-salihu, i bori se na tom putu daleko od imena i praznih deviza.

13. Vode računa o čistoći duše i zdravlju srca od bolesti.

Rade na zadovoljavanju Allaha u svakom vremenu, šta god to vrijeme tražilo i sadržavalo.

U vrijeme džihada oni su ratnici, u noćima oni su pobožnjaci, ako postoji potreba za njegovim znanjem i njegovim širenjem oni su učenjaci i daije.

Ako se prošire grijesi, novotarije, razvrat i sl. oni rade na njihovom sprečavanju.

14. Ehlul Sunnet su najkorisniji ljudima, najmilostiviji ljudima, kao što kažu učenjaci; poznaju istinu i milostivi su prema stvorenjima (najviše čine dobročinstva ljudima), najviše vode brigu o tome da okoriste ljude bilo

dunjalučki, bilo ahiretski, najviše podnose ezijećenja od ljudi i najstrpljiviji su u pozivanju istini.

KO JE TO SPAŠENA SKUPINA?

Razilazak i podjela ovoga Ummeta je stvar u koju nema sumnje, nju potvrđuje historija islama, a i svi dokazi iz Sunneta, Allahova Poslanika, sallallahu alejhi ve sellem.

Rekao je Allahov Poslanik, sallallahu alejhi ve sellem: "...Onaj od vas koji bude poživio poslije mene zaista će vidjeti mnoga razilaženja..." (Hadis bilježi imam Ebu Davud 4067, a vjerodostojnim ga je ocjenio šejh Albani u zbirci "Sahih Ebu Davud").

Dakle, razilaženje se je desilo u svim segmentima života kako u strateškom tako i u idejnom i akidetskom segmentu života, a sve to se ogleda u pojavi i nastanku novi frkacija (ar. Firek) ili sekti i to pri samom kraju vladavine pravedni halifa (ar. Hulefa Er-Rašidun) kao što su: Murždije, Šije i Havaridž.

Od Allahove, azze ve dželle, dobrote i milosti jeste što je učinio da uvijek u Ummetu bude skupina koja je na istini, odnosno nije dozvolio da se akida (vjerovanje) muslimana, a na poslijetku i vjerovanje Ehli Sunneta Vel

Džemata pomiješa sa ubjedenjem novonastalih frakcija i sketi koje su se jasno izdvajale iz džemata muslimana po svojim zabludjelim idejama i samim novotarskim nazivima koji su uvijek bili znak njihove zablude ili pak ime neke zabludjele osobe koja je imala udio u osnovanju i nastnaku dotične frakcije.

Dokaz i potvrda svemu navedenom jeste hadis Allahova Poslanika, sallallahu alejhi ve sellem, u kome stoji da će se Ummet podijeliti na sedamdeset i tri skupine.

فَعَنْ مُعَاوِيَةَ بْنِ أَبِي سُفْيَانَ رَضِيَ اللَّهُ عَنْهُمَا أَنَّهُ قَالَ: أَلَا إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَامَ فِينَا فَقَالَ: أَلَا إِنَّ مَنْ قَبْلَكُمْ مِنْ أَهْلِ الْكِتَابِ افْتَرَقُوا عَلَى ثِنْتَيْنِ وَسَبْعِينَ مِلَّةً، وَإِنَّ هَذِهِ الْمِلَّةَ سَتَفْتَرِقُ عَلَى ثَلَاثٍ وَسَبْعِينَ، ثِنْتَانِ وَسَبْعُونَ فِي النَّارِ، وَوَاحِدَةٌ فِي الْجَنَّةِ، وَهِيَ الْجَمَاعَةُ. رواه أبو داود (٤٥٩٧) وغيره وصححه الحاكم (١ / ١٢٨) بل قال : إنه حديث كبير في الأصول ، وحسنه ابن حجر في " تخريج الكشاف " (٦٣) ، وصححه ابن تيمية في " مجموع الفتاوى " (٣ / ٣٤٥) ، والشاطبي في " الاعتصام " (١ / ٤٣٠) ، والعراقي في " تخريج الإحياء " (٣ / ١٩٩)

وتوارد على ذكره والاستشهاد به أهل العلم في كتب السنة ، وقد
ورد عن جماعة من الصحابة بطرق كثيرة ، أكثرها وأصحها على
تحديد عدد الفرق بثلاث وسبعين فرقة.

Od Muavije Ibn Ebi Sufjana, radijallahu anhum, se prenosi da je kazao: Jednoga dana ustao je Poslanik, sallallahu alejhi ve sellem, među nama te nam je kazao: "Doista oni koji su bili prije vas od Ehlu Kitabija podijeli su se na sedamdeset i dvije skupine, a doista će se ovaj Ummet podijeliti na sedamdeset i tri skupine, sedamdeset i dvije skupine će u vatru a samo jedna u Džennet – a ona je Džemat." (Hadis bilježi Ebu Davud 4597 i drugi, a vjerodostojnim ga je ocjenio Hakim 1/128, i još je dodao: "Ovo je jedan od velikih i značajni hadisa o osnovama vjere." Također, hadis dobrim ocjenio je Ibn Hadžer u "Tahridžu El-lhja" 3/199, dok su većina islamski učenjaka ovim hadisom dokazivali podijelu Ummeta u svim Sunnetskim knjigama, a sama predaja se bilježi od velike skupine ashaba koji su kazali da će Ummet da se podijeli na sedamdeset i tri skupine).

Allahov Vjerovjesnik, sallallahu alejhi ve sellem, opisao je ovu spašenu skupinu da je ona ustvari Džemat, odnosno konsenzus islamske uleme, kao što je u drugom hadisu opisao ovu skupinu da je to Sevacu El-

E'zam, a koju bilježi Ibn Ebi Asim u djelu "Es-Sunne" u hadisu od Ebu Umame 1/34, a istu je zabilježio i imam Taberani u "Mu'džemu El-Kebir" 8/321 sa dobrim lancem prenosilaca.

Od predaja koje također dodatno opisuju ovu skupinu jesu i riječi Allahova Poslanika, sallallahu alejhi ve sellem: "Moj Ummet podijelit će se na sedamdeset i tri skupine, sve će u vatri osim jedne skupine, na što prisutni rekoše: A koja je to skupina o Allahov Poslaniče? Na to Allahov Poslanik, sallallahu alejhi ve sellem, kaza: "To je ona skupina koja je na onome na čemu sam ja i moji drugovi (ashabi)." (Hadis bilježi imam Tirmizi 2641, a dobrim ga je ocjenio Ibn El-Arebi u "Ahkamu El-Kuran" 3/432 i Iraki u "Tahridžu El-Ihja" 3/284, kao i Albani u "Sahihu Tirmizi".

Sve navedno su najjači dokazi kojima čovjek musliman može da dokazuje postojanje "spašene skupine", te da slijedi ono na čemu je većina islamski učenjaka, kojima svjedoče svi muslimani da su ljudi od emaneta i vjere, a također da slijedi ono na čemu je bila ulema od Selefa počevši sa ahabima, tabinima, imamima četiri priznate fikhske pravne škole i drugima od nosioca šerijatskog znanja, a istovremno da se udalji i čuva svih frakcija koje se razlikuju i odvajaju od Džemata muslimana svojim zabudama i novonastalim novotarijama.

Rekao je Šejhu-l-Islam Ibn Tejmijje, rahmetullahi alejhi: "Oznaka novotara jeste ostavljanje povodenja i slijedenja Selefa (ispravni prethodnika)." (Pogledati Medžmu'u Fetava Ibn Tejmijje, 4/155).

Također, kazao je: "Oznaka ovih sedamdeset i dvije skupine jeste suprotstavljanje i ne slijedenje Allahove knjige, Sunneta Allahova Poslanika, i Idžma'a (konsenzusa islamski učenjaka). A onaj ko bude slijedio Allahovu knjigu, Sunnet Allahova Poslanika, sallallahu alejhi ve sellem, i Idžma'a on je ustvari od Ehli Sunneta Vel Džemata." (Pogledati Medžmu'u Fetava Ibn Tejmijje, 3/346).

Tako, neprihvatljivo je da neko kaže i tvrdi da su Šije ustvari ova "spašena skupina", ili da su to zabludjele Sufije, Havaridž ili neka druga novonastala frakcija koja svoje vjerovanje i ubjeđenje zasniva na nečemu na čemu nisu bili velikani i prvaci ovoga Ummeta kao što je Ebu Bekr, Omer, Osman, Alija, Ebu Hanife, Malik, Šafija, Ahmed...Allah njima svima bio zadovoljan.

Tako, smatram i mislim da su se već pojavile najznačajnije frakcije od ovih sedamdeset i dvije skupine, dok istovremno jasnim se je ukazala razlika između njih i Ehli Sunneta (spašene skupine).

Rekao je Ibn Tejmijje, rahmetullahi alejhi: "Stoga, opisana je "spasena skupina" da je ona ustvari Ehli Sunne vel Džmeat - a oni su velika većina, Sevadu El-E'zam, dok su sve ostale frakcije ustvari novotari, oni koji su na stranputici, neumjerenici i sljedbenici strasti. Niti jedna od ove zastranjene skupine nije dostigla broj a niti jačinu kakvu ima "spasena skupina", naprotiv neke od ovih skupina su u tako malom broju da su neznatne i nevrijedne spomena, dok je oznaka svih ovih frakcija suprotstavljanje i ne slijedenje Kur'ana, Sunneta a niti Idžma'a ovoga Ummeta, a svako onaj ko kaže i govori shodno Kur'anu, Sunnetu i Idžma'u - ta on je Ehli Sunnet Vel Džemat." (Pogledati Medžmu'u Fetava Ibn Tejmijje, 3/346).

Islamski učenjaci su kroz svoja Ehli Sunnetska djela jasno kazali da su sve ove frakcije ustvari skupine koje su zalutale, upropaštene i koje su u svojim osnovama novotarske skupine, te da zaslužuju da uđu u vatru zbog onoga što su uvele u vjeru od zabluda i ako u svojoj vanjštini se pripisuju islamu i muslimanima.

Rekao je Šejhu-l-Islam Ibn Tejmijje, rahmetullahi alejhi: "A također ove sedamdeset i dvije skupine se mogu podijeliti odnosno definisati na više načina, jer među njima ima: onih koji su munafici (licemjери) i oni su u svojoj unutrašnjosti kafiri, dok oni koji ne budu munafici, naprotiv oni su vjernici u Allaha, azze ve dželle, i

Njegova Poslanika, sallallahu alejhi ve sellem, svojom unutrašnjosti ne bivaju kafiri i ako pogriješe u tumačenju i shvaćanju nekih stvari, dok opet postoji skupina pri kojoj ima udio od djelova nifaka (licemjerstva) a koji nije do te mjere da ih odvede u najniže slojeve Džehennema.

Onaj ko kaže da su sve ove skupine (njih sedamdeset i dvije) u vatri ta on je svojim stavom i govorom suprotstavio se Allahovj knjizi, Sunnetu i Idžma'u ashaba, radijallahu anhum, pa čak on se sprotstavlja Idžma'u četiri imama – jer ne postoji među njima neko ko je sve ove skupine proglasio nevjernicima, nego su neke od njih tekfirili jedni druge (tj. ove skupine su jedni druge proglašavali nevjernicima). (Pogledati Medžmu'u Fetava Ibn Tejmijje, 8/218).

Također, iz prethodni riječi ne može se razumjeti da je svaka ova skupina koja se pripisuje islamu ustvari i muslimanska skupina, naprotiv ona nekada biva svojim ubjeđenjem van kruga islama i muslimana tj. pripadnici ove skupine bivaju kafiri kao što su glavešine Rafidija, Sufija, Batinija... dok opet neki učenjaci njima pripisuju Džehmije – sve ove navedene skupine su van kruga islama i Ummeta, Allahova Poslanika, sallallahu alejhi ve sellem, te se direktno samtraju od ove sedamdeset i dvije skupine.

Ovjde treba naglasiti da se pod riječima razilaska i podijele ovi skupina sa "spašenom skupinom" misli na njihov razilazak u osnovama vjere, stvarima iz domena akide (vjerovanja i ubjeđenja) a nikako se ne misli na fikhsko razilaženje.

Tako, ako se desi da se neki džemat razlikuje od drugog džemata po načinu rada ili dawwe, no međutim taj njihov način ne izlazi iz granica Ehli Sunneta, odnosno biva u skladu sa Kur'ansko-Hadiskim tekstovima, onda ne možemo i ne smije se takva skupina smatrati od one sedamdeset i dvije samo zato što imaju drugačije viđenje organizovanja i rada za islam. A Allah najbolje zna!

OSOBI NE POTPOMO GNUTE SKUPINE EHLIS-SUNNETA VEL-DŽEMATA

Musliman je dužan slijediti istinu i ući u povorku potpomognute grupe, Ehlis-Sunneta Vel-Džemata, u grupu onih koji slijede dobre prethodnike (ar. Es-Selef), voljeti ih u ime Allaha, azze ve dželle, gdje god bili - u njegovom ili nekom drugom mjestu.

Dužan je s njima saradivati u dobročinstvu i bogobožnosti, te s njima raditi za dobrobit Allahove vjere.

Vezano za svojstva ove skupine možemo kazati slijedeće: O njima postoji nekoliko vjerodostojnih (ar. Sahih) hadisa od Poslanika, sallallahu alejhi ve sellem, kao što su:

Prenosi se od Muavije, radijallahu anhu, da je čuo kako Poslanik, sallallahu alejhi ve sellem, kaže: "U mom Ummetu stalno će biti jedna grupa koja će postupati po Allahovim odredbama, neće im naškoditi onaj ko ih napusti, niti onaj ko se s njima ne slaže. Ostaće takvi sve dok ne dođe Allahova odredba."

Od Omera Ibn El-Hattaba, radijallahu anhu, prenosi se da je Allahov Poslanik, sallallahu alejhi ve sellem, rekao: "Jedna grupa u mom Ummetu stalno će biti na istini, sve dok ne nastupi Sudnji dan."

Prenosi se od Mugire Ibn Šu'beta, radijallahu anhu, da je Poslanik, sallallahu alejhi ve sellem, rekao: "U mom Ummetu stalno će biti onih koji će prednjačiti u odnosu na druge ljude, sve dok ne dođe Allahova odredba."

Također, prenosi se od Imrana Ibn Husejna, radijallahu anhu, da je Allahov Poslanik, sallallahu alejhi ve sellem, rekao: "U mom Ummetu stalno će biti grupa koja će se boriti za istinu. Pobjediće one koje im se suprotstavljaju, tako da će se zadnji među njima boriti sa Dedždžalom."

Iz ovih hadisa zaključujemo slijedeće stvari:

Riječi Poslanika, sallallahu alejhi ve sellem, "U mom Ummetu će stalno biti jedna grupa", služe kao dokaz da se radi o jednoj grupi iz Ummeta, a ne o cijelom Ummetu - time se indirektno ukazuje da postoje i druge grupe.

Poslanikove, sallallahu alejhi ve sellem, riječi "Neće im naškoditi onaj ko se sa njima ne slaže", ukazuju na postojanje drugih grupa koje se ne slažu sa potpomognutom skupinom o pogledu njihovog pravca u vjeri. Ovo se slaže i sa hadisom koji govori o razilaženju, jer se sedamdeset i dvije frakcije ne slažu sa spašenom grupom u vezi njihovog slijedenja istine.

Oba hadisa u sebi nose radosnu vijest onima koji slijede istinu, i ovaj hadis o potpomognutoj skupini donosi im radosnu vijest da će dominirati i pobijediti na ovom svijetu.

Poslanikove, sallallahu alejhi ve sellem, riječi "Dok ne dođe Allahova odredba" misli na vjetar koji će uzeti dušu svakom vjerniku i vjernici. Ovo nije u kontradikciji sa hadisom: "U mome Ummetu će stalno biti jedna skupina na istini, sve do Sudnjeg dana," jer to znači da će oni ostati na istini sve dok ih ne usmrti ovaj blagi vjetar, što će se dogoditi pred Sudnji dan i u vrijeme dešavanja njegovih predznaka.

OSObine POTPOMOGNUTE SKUPINE

Iz navedenih hadisa, kao i iz drugih predaja, možemo odrediti slijedeća svojstva potpomognute grupe:

1. Ona je na istini, dok hadisi kažu da su oni "na istini", da "slijede Allahove odredbe", da "slijede ovu vjeru", da su "u vjeri". Svi ovi izrazi ukazuju da su oni ustrajni u ispravnoj vjeri sa kojom je poslan Muhammed, sallallahu alejhi ve sellem.

2. Ova grupa postupa po Allahovoj odredbi, što bi značilo:

a) da se oni razlikuju i odlikuju nad drugim ljudima tako što nose bajrak pozivanja Allahu;

b) da se bave pozivanjem na dobro i odvrćanjem od zla.

3. Ova skupina je primjetna i prisutna sve do Sudnjeg dana. Hadisi je opisuju: "Stalno će biti prisutni i primjetni, sve dok ne dođe Allahova odredba a oni još uvijek u takvom stanju".

Također, opisani su: "Superiorni na istini", ili "Prisutni i vidljivi do Sudnjeg dana", ili "Superiorni nad onima koji im se suprotstavljaju".

Ova prisutnost podrazumijeva:

- jasnoću i neskrivanje, jer su oni prepoznatljivi i ističu se;
- čvrstinu i ustrajnost u istini, vjeri, izvršavanju Allahovih naredbi i borbi protiv neprijatelja;
- "zuhur" u značenju pobjede.

4. Pripadnici ove grupe su strpljivi.

Prenosi se od Ebu-Sa'lebe El-Hašenija, radijallahu anhu, da je Poslanik, sallallahu alejhi ve sellem, rekao: "Iza vas su dani sabura, strpljivost u njima je kao držanje žeravice."

KO SU PRIPADNICI OVE POTPOMOĞNUTE GRUPE

Buharija, rahmetullahi alejhi, kaže: "To su učenjaci."

Mnogo učenjaka spominje da se pod potpomognutom grupom misli na učenjake hadisa.

Nevevi, rahmetullahi alejhi, kaže: "Postoji mogućnost da je ova skupina prisutna među različitim skupinama vjernika: među hrabrim borcima, fakihima, muhadisima, pobožnjacima, među onima koji naređuju dobro i odvraćaju od zla, te među drugim grupama koje se bave dobrom."

On, također, kaže: "Ova grupa može biti skup nekoliko vrsta vjernika: hrabrih i vještih ratnika, uleme fikha, uleme hadisa, učenjaka u tefsiru, onih koji naređuju na dobro i odvraćaju od zla, pobožnjaka..."

Ibn Hadžer,rahmetullahi alejhi, detaljno govoreći o ovome pitanju, kaže: "Nije nužno da oni budu skupljeni u jednom mjestu, nego je moguće da budu u jednom mjestu kao i da budu u različitim krajevima zemlje. Mogu biti smješteni u jednoj državi, kao i da budu u jednom njenom dijelu a da ih nema u drugom.

Može se desiti da postepeno nestaju sa zemlje, pa da ostane samo jedna grupa u jednom kraju. Kada potpuno nestanu nastupiće Sudnji dan."

Mišljenja i riječi učenjaka ukazuju na činjenicu da ova grupa nije ograničena samo u jednom pravcu, niti je okupljena na jednom mjestu.

Posljednji pripadnici te skupine biće u Šamu i boriće se protiv Dedždžala, o čemu nas je obavijestio Poslanik, sallallahu alejhi ve sellem.

Nema sumnje da su oni koji se bave šerijatskim naukama - akaidom, fikhom, hadisom, tefsirrom, koji uče i poučavaju islamu, koji pozivaju u islam i praktično sprovode njegove propise - najpreči da steknu ovaj atribut "potpomognuta skupina".

Najpreče je da se bave da'vom, džihadom, naređivanjem dobra i odvrćanjem od zla, odgovorom onima koji unose novotarije, jer sve to mora biti povezano sa ispravnom naukom uzetom iz Objave.

Molimo Allaha da nas učini od njih i neka je salavat na našeg poslanika Muhammeda, sallallahu alejhi ve sellem.

© Copyright. ET-TAQWA.COM – Safet Suljić. Sva prava pridržana.

ISLAMSKI DAWETSKI WEB PORTAL

ET-TAQWA

www.et-taqwa.com



Izdavač:

ET-TAQWA WEB PUBLISHING & STUDIO

e-mail: info@et-taqwa.com

www.et-taqwa.com